



Broj: 07-11-2011/23
Vogošća, 23.11.2023. godine

Na osnovu člana 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14 i 59/22) i čl. 71. i 125. Statuta Općine Vogošća ("Službene novine Kantona Sarajevo" broj: 27/14, 14/15 i 9/20), Općinski načelnik dana 23.11.2023. godine donio je

**ODLUKU
O PONIŠTENJU OTVORENOG POSTUPKA NABAVKE RADOVA NA SMIRIVANJU
SAOBRAĆAJA NA DIJELU LOKALNIH CESTA NA PODRUČJU OPĆINE VOGOŠĆA**

Član 1.

Poništava se Otvoreni postupak nabavke radova na smirivanju saobraćaja na dijelu lokalnih cesta na području općine Vogošća broj: 07-11-2011/23, jer nijedna od primljenih ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14 i 59/22).

Član 2.

Odluka o poništenju postupka nabavke će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 30.10.2023. godine donio Odluku o pokretanju Otvorenog postupka nabavke radova na smirivanju saobraćaja na dijelu lokalnih cesta na području općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 31.10.2023. godine pod brojem: 1353-1-3-227-3-204/23.

Sažetak Obavještenja o nabavci objavljen je u "Službenom glasniku BiH" broj: 76/23 od 03.11.2023. godine.

Tendersku dokumentaciju sa Portala javnih nabavki BiH je preuzelo 6 (šest) ponuđača. Krajnji rok za dostavu ponuda bio je 21.11.2023. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 21.11.2023. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-2011/23 iz oktobra 2023. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Sacom" d.o.o. Sarajevo	104.825,00	/	/	122.645,25
2	"Ame" d.o.o. Breza	120.468,09	/	/	140.947,66

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Sacom" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod c) TD je traženo da ponuđači posjeduju-imaju na raspolaganju građevinske mašine i tehničku opremu neophodne za uspješno izvođenje predmetnih radova, a između ostalih je traženo da ponuđači posjeduju-imaju na raspolaganju i jedan kombinovani radni stroj (utovarivač-rovokopač).

Kao dokaz za traženo tačkom 7.4.2. pod c) TD je za kombinovani radni stroj (utovarivač-rovokopač) zahtjevana važeća saobraćajna dozvola/potvrda o registraciji ili važeća upotrebna dozvola.

Ponuđač "Sacom" d.o.o. Sarajevo je u Ponudi (strana 47. Ponude) dostavio Upotrebnu dozvolu broj: 17-UD-0366/21 od 17.06.2021. godine, izdatu na firmu "Sacom" d.o.o. Sarajevo, za bager rovokopač JCB19C-1PC.

Dostavljeni dokaz Komisija za javne nabavke je smatrala neispravnim jer je iz istog vidljivo da se očigledno radi o bageru-rovokopaču, a ne o kombinovanom radnom stroju (utovarivaču-rovokopaču), te je isto u suprotnosti sa jasno postavljenim zahtjevom iz TD, a kojim je jasno i nedvosmisleno zahtjevan jedan kombinovani radni stroj (utovarivač-rovokopač).

Shodno gore navedenom, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14 i 59/22) predmetna ponuda je formalno-pravno neispravna i kao takva nije prihvatljiva za ugovorni organ.

Ponuda ponuđača "Ame" d.o.o. Breza ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod a) TD je od ponuđača zahtjevano da su u posljednjih 5 (pet) godina računajući od dana podnošenja ponude, kao izvođači radova realizovali minimalno jedan ugovor čiji je karakter i kompleksnost isti ili sličan onom koji se odnosi na predmetnu nabavku na postavljanju saobraćajne signalizacije (horizontalne i vertikalne) i posebnih objekata (npr: vibracijske trake, umjetne-preventivne izbočine, uzdignute plohe,...) na javnim cestama u ukupnom iznosu od 120.000,00 KM bez uračunatog PDV-a ili više pojedinačnih ugovora u ukupnom zbiru od 120.000,00 KM bez PDV-a.

Ponuđač "Ame" d.o.o. Breza je u svojoj Ponudi (strana 48-50 Ponude) dostavio Potvrde o uredno izvršenim ugovorima i to: Potvrdu broj: 04-11-3679/22-1 od 23.02.2022. godine, Potvrdu broj: 04-11-396/23 od 20.01.2023. godine i Potvrdu broj: 04-14-28595-21 od 28.01.2021. godine, sve izdate od Direkcije za puteve Kantona Sarajevo, za koje je Komisija za javne nabavke smatrala da ne odgovaraju postavljenim uslovima iz TD.

Naime, radovi koji su navedeni u dostavljenim Potvrdama se odnose na rekonstrukciju i rehabilitaciju saobraćajnica, dok je TD jasno i nedvosmisleno propisano da se ugovori moraju odnositi na postavljanje saobraćajne signalizacije (horizontalne i vertikalne) i posebnih objekata (npr: vibracijske trake, umjetne-preventivne izbočine, uzdignute plohe,...) na javnim cestama,

zbog čega je Komisija za javne nabavke bila mišljenja da ugovori navedeni u predmetnim Potvrdama ponuđača "Ame" d.o.o. Breza nemaju karakter i kompleksnost koji je isti ili sličan onom koji se odnosi na predmetnu nabavku.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14 i 59/22) predmetna ponuda je formalno-pravno neispravna i kao takva nije prihvatljiva za ugovorni organ.


Iz navedenih razloga, Komisija za javne nabavke je jednoglasno dala preporuku Općinskom načelniku da donese Odluku o poništenju otvorenog postupka nabavke radova na smirivanju saobraćaja na dijelu lokalnih cesta na području općine Vogošća, iz razloga jer nijedna od primljenih ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14 i 59/22).

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka nabavke izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura



Kontrolisala: Melisa Kršo



OPĆINSKI NAČELNIK



Migdad Hasanović

Dostavljeno:

1. "Sacom" d.o.o. Sarajevo
2. "Ame" d.o.o. Breza
3. Nadležnoj Službi
4. U dosije
5. a/a

sacomdoo@gmail.com

ame@bih.net.ba